

## AUGLÝSING

### um óverulegar breytingar á deiliskipulagi í Garðabæ.

Bæjarstjórn Garðabæjar hefur samþykkt eftirfarandi óverulegar breytingar á deiliskipulagi í Garðabæ:

*Deiliskipulag Arnarness - Akra, Stórakur 7.*

Deiliskipulagsbreytingin nær til lóðarinnar Stórakurs númer 7 og gerir ráð fyrir því að í grein 1.1.3. í deiliskipulagsskilmálum heimili byggingarnefnd og eftir atvikum byggingarfulltrúa að hækka kóta hússins um 90 sm í stað 30 sm. Breytingin hefur ekki áhrif á leyfilega hámarkshæð húss sem miðast við kóta fyrir breytingu.

*Deiliskipulag Flata, Lindarflöt 13.*

Deiliskipulagsbreytingin varðar lóð nr. 13 við Lindarflöt og gerir ráð fyrir stækkun byggingarreits vegna fyrirhugaðra breytinga á húsinu. Miðað er við byggingarreit eins og hann er í tillögu að endurskoðuðu skipulagi Flata.

*Deiliskipulag Hraunsholts eystra, Túnfit 3.*

Breytingin varðar lóð nr. 3 við Túnfit og felur í sér að byggingarreitur stækkar um 0,5 m í átt að bílastæði til að stækka bílageymslu.

Deiliskipulagsbreytingar þessar hafa fengið meðferð í samræmi við 2. mgr. 26. gr. skipulags- og byggingarlaga nr. 73/1997 með síðari breytingum.

Deiliskipulagsbreytingarnar öðlast þegar gildi.

*Garðabæ, 7. júlí 2010.*

**Arinbjörn Vilhjálmsson** skipulagsstjóri.